

別集各體

松庵遺稿

石洲集



石洲別集卷之一

五言古詩

寓言

匏瓠貯糞水室以三生石
蟻蛭滿其內臭穢汨
面薄汎在滄溟中沉浮寧自覺
水仙偶見之告以海之樂
糞水激聲笑云自適其適
反謂水仙愚汝言太匏落
不知身去來盡是波濤力
人生一匏瓠宇宙一大壑
以我觀此世世人無乃惑

戲車秘書

天輅

相去不容步難見如登天
誰將太行山移置吾



門前東隣洪學士閭巷何喧闐咫尺異窮達世
情固其然長歎更何言閉戶聊自眠

夜坐書懷用東坡粲字韻奉呈同行諸君

子

今夕忽不樂挑燈坐夜半勞生是何物撫已發
長歎百年亦一夢流景安足玩我本不羈人久
作江湖散烟波是吾宅雲月是吾伴遇勝輒留
連詩酒窮昏_{端飾}生涯四立壁古書堆几案機心
久已息八鳥行不亂形骸付土木屢月或廢盥
豈但厭局束受性實鴛緩况復行路難古今同

一貫人誰念窮獨世不容愚懦偶落塵網中觸
事生冰炭經年作遠客悄悄坐賓館東風捲地
起雪消春日暖羈懷不可寫對酒思共粲

奉和五峰春愁之作

五峰李判書好閔

客堂悄無事芳草生春愁忽吟招隱詩桂樹枝
相繆眷然懷所欽杳在天一方鸞鳳日以遠鵲
巢鳴枯桑人壽且幾何河清其未極不如飲美
酒沉冥任窮達

讀書有感

萬理同一源昧者拘形泥欲知物我間譬言如兩

杯水試覆坳堂上誰能分別此

種竹

龍鍾嶰谷姿乃是風霜骨列侍花卉中便覺標
致別餘子豈足數此君真可悅太梢欲抽葉露
籊初離節疑聽湘岸雨想對梁園雪只愁清影
長亂我樽中月

彈琴

獨坐彈鳴琴琴罷忽思睡風簾晝隱几夢見葛
天氏為我發古調五音流十指曰之論妙道再
拜領深意至樂諒無聲絃桐蓋末耳強弄無絃

琴淵明亦多事

早發公山向懷川途中紀行

清晨出右郭細磴緣高岡滄江動我側碧色吹
衣裳衆峰相嫵媚深樹何青蒼山回石門窄逕
轉松陰涼寒泉瀉逸響玉佩鳴鏘鏘怡然得佳
處不愁前路長他年結茅屋此意安可忘

夕興主人登後園

門前烟火村屋上雲林趣何須辨喧靜意適隨
所遇况此陪杖屨忻然愜平素松陰滿衣袂步
步入秋霧茂林迎素月高葉滋微露茲焉足幽

石湖先生集卷之一
討悔踏名山路

次汝仁秋日感懷韻

平生學道心，柰此遲暮景。悠悠委流俗，古訓每
自警。徒然抱奇志，局促無由騁。時聞有餘論，稍
稍得佳境。君有屈宋才，詞藻軼衆郢。恥學陶淵
明，強辨形與影。得我眉宇間，不語中自領。三秋
錦城館，燈火坐寒冷。故園不可見，迢遞隔重嶺。
昨夜夢歸程，水天相與永。窮愁出新什，筆陣何
整整。微才安敢和，渴思如枯井。

秋夜

悄悄霜葉墮微微風露涼幽人坐深夜明月照
空堂所懷在遠道悵望川無梁依然念疇昔流
淚忽沾裳

次韻子敏途中見寄作

海風吹征帆波浪白浩浩柰何此間行悵望頭
亦皓豈不憚跋涉游子念親老忽枉路中作感
君情意好凶飈獵宇宙霜雪埋百草時運故如
此棄置何足道但恐關路塞還家苦不早

記懷

用子敏韻

夙昔愛丘壑素心遲暮違遭亂落南鄉三年猶

未歸一見嶺花發再見湖鴈飛
弟妹各異縣萬里失因依
天涯感時淚幾賤游子衣
人生在世間欵若朝露晞
所以七十者古來良獨稀
柰何自拘束坐送西日暉
昨夜夢仙山秀色高巍巍
手携鍊丹子結屋依翠微
遽然祗在此好事忽已非
此身殊可哀有淚空霏霏

七言古詩

和林正字七夕感懷見示韻

碧樹陰陰生夜涼
螢飛蛩語虛堂秋露氣淒清
簾色寒節序催人成白頭
天孫盈盈整雲駕
駕河

漢皎皎西南流此時京洛聞奢華羅衣月照誰
家樓滄江卧病歸不得幸有故人同此憂

次韻使相七言長句

大塊吹萬頗紛紜今古一夢槐安國百年忽忽
駒過隙浮生在世誰非客丈夫何必自局束會
向四海窮遐矚今年附驥作遠遊却笑半世頭
角縮我公天與英雄表威儀仰望何抑抑氣度
真如秋嶺雲神秀欲射扶桑旭妙年高躡青雲
衢珂馬堂堂照南陌胸中雲夢吞八九千頃汪
汪人敢測世路風波空擾擾毅然獨立千丈壁

平生端有活國計，擬扇仁風被橫目。縱橫磊落
霸王畧，幾回敷奏龍爐側。聲華誰復出公右，不
誣方將任鼎軸。昨者承綸辭九重，驛路迢迢連
鴨綠。幕中得士皆英才，喜氣敷腴滿尺宅。興酣
落筆九天上，滿紙風雲生霹靂。小生魯鈍無所
能，怯膽變勇仍怵惕。幸蒙君子垂拂拭，一日能
通十年塞。自謂蹉跎予無如，執鞭萬里追逸跡。
到處溪山得遊覽，關西況是紛華域。人生此樂
餘事無，客裡轉覺充膚革。公館清樽開讌語，永
夜不寐聞寒柝。白戰張軍各自強，詩壇酒壘還

相扼諸子文章日杲杲我如爝火徒不熄逢場
恣意豈論命一醉累月甘落拓向來萬事多反
覆一離一合寧有極世人相對不相識尺地亦
如山海隔益知茲會不可常更展朱盤催鼓笛
擊節高歌肝膽露今辰何辰夕何夕酒闌相見
忽歎息倚劍一嘯聲更劃男兒墮地要材力豈
異金在爐中躍數子俱為時所重縱欲拂衣那
可得我待東還脫身去塵纓更向滄浪濯他年
雪棹倘相訪白頭醉卧江邊石

和許天使回瀾石韻

名區奇絕一壺裡千丈丹崖波上起地勢斜分
重疊山天光倒落清冷水驚濤濺沫飛半空巨
石直矗矗橫當中新安之江但清淺安得與此爭
英雄翰林筆端移造化寫出分明如畫工興酣
騎馬忽歸去但見落日低蒼峰

和許天使練光亭晚眺韻

澄江衮衮從東來使人一望心眼開汀花岸柳
相掩映白沙青艸爭縈迴連天蒼翠見遠樹隔
渚依微辨孤嶼有樓孤絕臨層城千載樓空鶴
已去人傳錦繡堆成山山下湛湛成回灣天孫

一去招不来空有舊跡留其間春風淡沲春水
明白鷗歷亂如飛雪大野日落烟沉沉更倚危
欄待明月此地興亡經幾秋古都寂寂江自流
只今山河留勝槩可憐歌舞餘荒丘一杯相屬
莫停手死生夢幻君知否不如捲取長江水倒
瀉樽中作春酒自從麟馬乘雲飛朝天之處空
苔磯安得相隨出六合駭鸞駕鶴無時歸

題群山二友圖

為金君志遠趙君士安作

漢陽趙夫子眼如九秋鷹南州金秀才心貯玉
壺冰二君相去千餘里二君氣味乃相似浮遊

湖海偶見之相視一笑無復疑男兒得意有如
此海可轉弓山可移百年情義比瓜葛死生貴
賤焉足說白石清川松桂林晤言不暇煩招尋
古來世事無不有却恐會合難可久故用寫作
風流圖趙子丹青絕代手昂藏相對兩幅巾標
格不是塵中人從此千秋更萬歲傳之仍雲期
勿替我手撫圖三歎息管鮑古道今誰識君唯
盡貌不盡心所以不可無我吟

次和友人古意

秋空淒淒秋夜涼草木搖落天雨霜去家千里

來遠方兩鬢雪白身無裳自古壯士多自匿風
塵欺人面黧黑龍泉晦盡秋蓮色空有冤氛射
斗極

家有佳木七株皆先祖承旨府君手植也
真松二老松一海松一丹楓一赤木二
近六十餘歲枝幹古怪凡城西甲第以
池館名者不少無此奇也壬辰之亂棄
家逃生室本懸罄無可顧戀獨此七木
時入夢想間也癸巳夏京城平余自江
都歸六木皆火死獨海松無恙蒼翠依

然余繞之三匝而後去秋自德水歸海
松又無恙余又三匝而去今年春歸自
湖西海松已為人所薪矣余惜其能自
保於兵火之中而卒不能免於斧斤之
患乃作惜海松詩

吾家庭前七好樹種德恭聞自吾祖悠悠人世
幾朝昏黛色叅天皮溜雨回廊曲檻宜醉睡六
月天籟生秋氣拾遺栴樹誰比數孔明古栢堪
等伍往者遭亂忽飄蕩蒼翠經年勞夢想十生
九死返故里寂寞園廬但草莽海松一株獨秀

絕白甲蒼髯舊時樣盤桓盡日不敢去兩手摩
挲心自語從來醉耳愛松風況此舊物情何窮
方期築室老其下一生對此甘長終誰知百年
霜雪幹去入人家竈火爨空餘斷槎榛棘間忍
見春雨苔痕斑忽憶少年心尚孩一日上樹能
千回自經喪亂飽憂憫白髮如絲侵兩鬢浮生
草草那可論植物無情有時盡題詩擬續嘉樹
傳把筆孤吟涕如綫

五言律詩

雨中懷持世

此子不易得平生多苦心可憐連日雨誰念子
素琴花發樹容媚鳥鳴春意深何時江上宅把
酒一開襟

次李佐郎惠韻作別

相逢欲何贈耿耿百年心我讀遠公傳君為梁
甫吟秋蓮看古劍流水聽鳴琴又作江潮別徒
然佩玉音

酒熟戲題

平生秀才麴風味極難忘錯認連宵雨驚聞滿
壺香未須煩上醉聊復急呼觴一酌能成醉低

頭拜杜康

復一作自

閑居謾題

隙地容三迳
虛簷寄數椽
泉聲搖客夢
山氣潤琴絃
酒熟寧辭醉
詩成不要傳
行藏百年事
聊復任蒼天

昇天府待潮書懷

疾病貧宜數
功名老自休
浮生長世故
歸路偶滄洲
野外孤村暝
江邊獨樹秋
前途未易料
惆悵倚津樓

偶一作復

送人赴扶安廣文之任

問爾今奚適瀛山海水涯官雖鄭處冷才是陸
機多絕國元千里深情更一家江潭春草歇誰
恨定如何

林子中挽章

古道還今世吾徒得此人襟期元洒落詩法更
清新戀主心長苦論交意甚真那將經濟畧去
作北印塵

客舍贈閔士豪

閔頗解書

海右多奇士樽前得此流窮途雙白首虛館又
清秋世事難容力人生本自浮行裝正蕭瑟知

命更何憂

寄題鳧鵝軒用月沙相公韻

扶蘇古名勝傳是濟王居地僻溪山秀官清簿牒疎方期習池醉先得使君書更起南遊興西風動客裾

次友人十六日之作

皎皎鄉關月那堪客裏看纔生江樹外忽入海雲端旅况頻呼酒詩情獨倚欄池塘迎曙色轉覺十分寒

用善養亭詩韻贈丁秀才

缺

雲林此幽絕真愜頤人居淨室堪容膝王門肯
曳裾風流同阮巷松菊似陶廬別有難忘處春
溪正可漁

送入謫行

世路難如此浮生可得全樞機雖在已回轡亦
關天我病宜休酒君詩莫浪傳從今各努力嘿
嘿度殘年

臘月二十二日飲張持國維宅錦陽尉携

酒來會是日微雪

愛此樽前客俱為席上珍誰知賢駙馬亦是好

詩人小雪初經臘寒梅未放春不辭隨量飲明

日隔紅塵

未一作欲

次韻子慎旅懷二首

節序殘春盡生涯古郡西異方花絮亂歸路夢
魂迷落照雲依宙空林鳥返栖裁詩為排悶吟
罷却悽悽

舊國青山外孤村碧水濱催歸花裏鳥忍向客
中聞岷嶺思收芋泥坊憶煮芹艱難負栖遁旅
次幾回焚

吳都司別章代人

虎節辭天闕龍韜將水軍弓開秋月魄劍拂曉
星文惠化邊氓說英威海寇聞歸來應奏凱萬
歲奉明君

妙略高天下英名滿海東鼓聲翻疊浪劍氣吐
長虹叱咤千人廢橫行萬里空他年麟閣畫誰
敢比奇功

次持世韻

大道何寥濶茫茫一世曾歸來建德國依止梵
王宮白日看將暮滄波望不窮平生飛動意獨
立向天風

次子餘韻二首

賤子無人記蹉跎二十秋百年何日已萬事此生浮已覺支離甚聊為爛熳遊古今無限意江漢一歸舟

人間正炎熱山木已含秋古寺泉聲急孤村海氣一作色浮身閑知境寂意適得天遊可笑殘生事悠悠不繫舟

自詠

舉世皆明哲如何我獨頑跡超榮辱外名在是非間居對卷中聖出遊湖上山平生一樽酒餘

事不相關

用子寬韻題子定江亭

窈窕清江曲風烟自一家寒宵峰吐月落日浪
吹花竹嫩生新影梅殘倚古查知君丹竈在早
晚躡蒼霞

題具容詩卷後

夫子去不返人間留此詩平生用心苦風格少
人知楮島看花處城山聽雨時百年歡會地窮
老獨餘悲

次玄翁韻

亂後交遊少，唯君是故知。同為湖外客，每憶洛陽時。末路聊隨俗，窮愁不廢詩。句來憂世志，相對輒生悲。

清樽了寒夜，河漢欲西傾。供世本無力，學詩新有聲。頭顱生白髮，肝膽照青萍。在世誰非客，休論去住情。

冬至夜會伽倻精舍

是夜子寬彈琴

相逢既云幸，况是水雲鄉。日出寒江靜，山深古木蒼。天時一陽動，人世百年忙。忽聽我洋曲，平生意更長。

登齊山亭用使相韻

故國已云遠客懷何以寬諸公不相棄高閣幸
同攀驛路迷深雪邊雲釀晚寒那堪望鄉處更
見鳥飛還

新安途中遇雪次車校理韻

天
格

早發嘉平館途中見雪花著城迷古堞鋪渚失
清沙野濶愁孤鳥林寒噪暝鴉歸心忽惆悵家
在漢江涯

新安館書懷用齊山亭韻

作客仍多病逢場且自寬清詩愁絕倒長路怯

追攀古邑人家少孤城樹色寒鄉關不可見只
向夢中還

次子敏臈月二十七日之作二首

但恨身將老非關辱若驚夢魂愁易斷燈火夜
能明世事客行遠天時春意生近來踈酒盞聊
復就徐傾

天涯人事絕歲暮客魂驚莫厭談更僕何妨坐
到明機關看薄俗乾沒歎浮生此酒難重把煩
君盡意傾

次子敏人日韻

過年知幾日春夜七回晨便覺天時改仍看物
候新此邦雖絕域今夕是佳辰且盡一樽酒莫
論千里人

次子敏韻

遠遊非寂寞文字寄清歡對酒寧辭醉當筵未
厭譴胡山天際辨關月夜深看不復聞刁斗方
知四海安

五峰相公行至宣州作詩見寄期以上元
前到此共作龍淵之遊次韻奉答

傳聞龐西老高蓋駐宣州把酒勾溪月題詩謝

晚樓永懷瞻玉樹先喜得銀鈎會待觀燈夕龍
淵作勝遊

良夜不可負新年天氣澄鶯花春欲動稼穡月
堪徵愛節常情似追歡舊俗仍公詩能到此報
喜有農燈

國俗於上元看月
出以占一歲豐凶

次車五山聞使相月夜登統軍亭韻

城上軒楹敞憑高眼界空經心遼野月吹面
門風宇宙華夷別山河表裏同唯應千載勝題
品待吾公

次韻送李相禮東還二首

絕域年華改鄉書尚未來病多甘伏枕愁劇懶
含杯已歎辭親久那堪送客回遙憐湖上宅春
色到寒梅

二載別南國悠悠鞍馬間邊心一片月鄉夢萬
重山坐賴烏皮穩行憐拄杖斑愁中送歸客回
省淚空潛

和子敏見示韻

詞臣啣鳳詔幾日發皇州落照長寒眼新春
轉益愁鄉書今隔絕旅館尚淹留獨有還家夢
中宵到石洲

客館書懷二首

絕域當遼界邊陰特地寒風沙連日暗冰雪入
春殘深覺旅遊遠更知行路難別家三箇月始
得一書看

古塞人烟少寒山日色微到來初臘雪留滯已
春衣宇宙身奚適風塵事易非誰知閉門睡只
為夢郊扉

開門一作盡日

次韻子敏聞皇華消息呈使相

忽見西來報還家似有期新詩聊自慰春酒不
須辭薄俗雖多事奇遊此一時行裝雄劍在霜

習白差差

再賦書懷韻二首

古館當清夜，疎簾透薄寒。可堪更漏永，空對燭
花殘。地遠書來少，天長夢到難。欲知羈思苦，須
向鏡中看。

抱病身將老，逢春力更微。孤懷吟伐木，寒夜賦
無衣。世路多翻覆，人生足是非。長思去年事，湖
上掩柴扉。

走筆邀東岳飲

水國春陰重，山城日色昏。異鄉無好客，清晝閉

衡門世事堪搔首，羈愁只斷魂。能來慰寂寞，長
嘯對芳樽。

雨夜書懷

去去誰相念，依依只有憐。遠遊驚節序，歸夢怯
山川。忽聽簷間雨，遙思郭外田。無端梅柳意，又
復入詩篇。

次子敏韻寄南郭朴說之

忽忽三旬別，迢迢一紙書。世情生險阻，吾計墮
空虛。野岸花初發，官橋柳已舒。如逢北來鴈，音
信莫令疎。

次使相韻

清明又已至時序一何忙
小草生幽砌輕寒鎖洞房
春多馬卿病酒發次公狂
坐惜芳華晚郊園興頗長

馬上口占

國在艱虞日朝無老大臣
嶺南猶戰伐關北尚風塵
耿耿此時恨悠悠何處人
長吟出師表涕淚滿衣巾

馬上有感

歷歷看時事無端涕滿巾
誰憐病君子我愛妄

忠臣去國哀登楚傷時困在陳北風吹雨雪難
述此酸辛

時有病君子
憂忠臣之說

遣悶

勿勿風塵際何時採茯苓髮從愁裏白山入夢
中青薄世譏同浴高人笑獨醒百年多少事江
上一浮萍

乙未暮春過舊庄于城西女奴買酒來饋
亂後誰歸得園廬半已空客垂今日淚花發舊
年叢古井春苔綠疎林夕照紅憑渠一盃酒聊
以慰飄蓬

西郊暮春

履及城西宅依依認故林
草生斜迳狹花發曲池深
倦客無歡意流鶯謾好音
獨來還獨去春月掛雲岑

讀石翁遺事

此理無今古求之在用功
斯文天未喪夫子世難容
日月閑吟裏乾坤靜坐中
無回瞻畫像徒此揖遺風

子敏詩集中有見及語曰次其韻

李子才名大今時杜牧之
賦追前漢古詩壓

唐奇萬里同抑託三年隔夢思可憐湖海外相
見本無期

布衣先生

道絕何人繼先生乃庶幾六經寧異轍千聖竟
同歸主敬成終始存心徹顯微誰知布衣底明
月自光輝

大興客館贈姜子舒

風塵蔽天宇漂梗欲何依故國多年別親朋此
地稀窮途重把酒浮世幾沾衣願作江城鴈春
來共北飛

再經亂_{山莊}後飲友人家

海內兵戈動人間
歲月催百年
雙鬢雲萬事
一心灰
江月盡分好
秋花隨意開
那知九死後
重把故人杯

七言律詩

寄車五山

_{格入}

先生才格迥超儔
弱歲香名滿九州
自致青雲
違壯志
謾將黃卷坐窮愁
相如賦就上林苑
崔顥詩成芳草洲
更想守玄頭
已白閉門深巷度
清秋

次持世韻

烟沙衰草杳難窮江上漁竿一老翁
風浪恰聞貞女峽雨雲疑近楚王宮
籬間樹色寒侵戶簾外山光翠透櫳
深巷悄然無別事獨將鷄骨占年豐

舟中

秋生江國水烟微夕浪汪汪漾落暉
仙客此時移挂棹漁家幾處掩柴扉
天機袞袞人將老山色蒼蒼鳥自飛
明日酒醒分散後任教風月屬苔磯

石洲力集卷之二
吳都司別章代人作

功業如公世豈多八年東土杖金戈比肩韓白
終無忝方駕關張不啻過海嶠狼烟無警言急邊
樓虎折絕誰何銅標未到扶桑界却笑區區馬
伏波

淨水寺醉題

海山孤絕隔塵囂玄圃滄洲不覺遙四海名區
唯此地百年奇事最今朝青天樓閣蜃嘘氣白
日雷霆鱗送潮更有一樽無事酒醉來豪興薄
雲霄

郊居謾興寄示友人

幽扉寂寂面空林一室圖書了古今日落牛羊
村路細春來鳬鴨野塘深栽詩不覺燭花盡把
酒更聽山鳥吟為問人間許長史可能知我此
時心

車五山以官事到通津縣許枉訪竟不果
作詩見寄余方有喪事不即奉和既數
日追次其韻聊自遣意耳不必示車

白首扁舟落異鄉十年浮世路茫茫古琴流水
朱絃澁雄劍衝星紫氣長謾興只教詩滿篋窮

石湖別集卷之一
二
愁空賴酒澆腸夫君是我同心者多謝新文昨
寄將

送李台徵赴公州任

煩君好去莫長吁薄俗從來棄碩儒未向雲衢
鳴玉佩每投湖郡綰銅符鷄山定雒重泉雉錦
水遙還合浦珠我待秋風理行役一杯能續舊
遊無

途中詠懷

關河迢遞塞垣深歲暮行人老病侵古邑殘墟
聞吹大寒林落照見歸禽田園偃息他年計鞍

馬驅馳此日心記得小齋風雪夜土鑪燒栗擁
絢衾

平壤客館與子敏輝世夜酌次說之黃州

詩韻

年年長作異鄉遊倚遍天涯處處樓南走剩看
方丈色西來又渡沮江流征途漠漠塵隨眼身
事悠悠雪滿頭此夜好懷還不淺直教從事到

青州

奉和崔同知豈見示韻

高才自可補詩亡光燄從來萬丈長已與聖

朝為黼黻遂教旨俗識鸞鳳苦心未敢伸長句
厚意空煩枉短章暫拜清塵還告別不知何日
更升堂

次五山見示韻

遠遊其柰旅愁何邊地偏驚歲月過日落胡沙
雲出塞天寒遼海水增波故人書札北來少客
子魚魂南去多試上東城望鄉國亂山無數鬱
嵯峨

次使相答成從韻二首

此生真似鴈隨陽旅食殊方費隙光關外別心

唯貯火鏡中愁髮欲添霜
衰年去住餘藤杖半
世行藏有錦囊
賓館寂寥殘鴈盡
春風何日促
歸裝

百年浮世似郵程
萬事紛紛幾變更
可把酒擲
謀共醉不妨詩社忝同盟
人間貴賤看交態
夢裏悲歡驗俗情
寒夜客窓愁不寐
知心只有短
燈檠

次使相韻寄五峯相公

駟騎聯翩作鴈行
中途相失暮雲長
江城不寐
聽寒角山路孤征怯曉霜
書到自驚叨眷顧
歲

闌渾覺減容光共來關外還成阻悵望無緣得

拜床

余曾與龜峯公同行至黃岡而別前數日公到五城致書相問故篇中及之

除夕以殘雪夜異鄉人分韻余得人字

去年除日落南垠除日今年鴨水濱良夜杯盤
聊自慰異鄉風俗却相親白頭可耐迎新歲青
眼還憐對故人忽想林園殘雪盡小梅花發為
誰春

次五山偶吟韻

此邦形勢壯西關夷夏纔分一水間朔氣結雲
多白雪薊門當塞但青山春生旅館身仍病

在京江夢獨還，不有好詩來起我。天涯何處可
開顏。

次使相韻

愁對寒燈火已銷，故鄉音信道途遙。踈慵祇合
歸漁釣，漫浪從來厭市朝。萬里登樓看北斗，三
冬行藥至東橋。新春縱酒聊相譔，莫聞人間齒
舌罨。

次使相統軍亭韻二首

河源迢遞出陰山，流到亭前曲作灣。地接黃沙
風振塞，天連滄海月臨關。謝樓祇是兒孫列，勝

閣雄應伯仲間此夕偶然陪勝集一搏運賞不
知還
城下長江江上山有樓孤絕俯澄灣羣峰獵獵
斜侵海平野茫茫迫接關胡地雲沙尊俎外蘄
門烟樹有無間使華芳草晴川句携得風光滿
袖還

次韻南窓病中偶吟

遠遊今日偶曰人滯卧西州近十旬關塞獨看
愁東月郊園空返夢中身漳濱却似劉公幹谷
口還愁鄧子真還愁漢京梅柳樹春來又作一

番新

雨後有作

浮世行藏未易期此身堪笑亦堪悲
可憐賓館雨晴後忽憶故園花發時
旅夢只知歸去好鄉書頗覺寄來遲
重門晝掩無人問多少春愁付酒卮

次五峰使相宴席韻二首

玉樽瑤席醉無歸美人爭歌金縷衣
相國風流誰得似叅卿文彩世應稀
亭亭落月當樓滿靄靄春雲繞筆飛
豈識南隣病居士竹林烏几坐

忘機

是日余適以微恙不與宴席

萋萋江草識春歸
綠水溶溶好染衣
旅館寂寥孤燭盡
故園迢遞尺書稀
王程未許人南去
節序空看鴈北飛
莫向樽前談世事
浮生榮辱有危機

次副使蟠松韻

途邊僵蓋不知年
半拂行塵半拂烟
擁腫只應天所賦
堅貞象覺性能全
雪中古色誰能畫
風外寒聲欲入絃
一自使華留眼後
清詩奇骨共流傳

次副使平壤道上韻

代遠接
使作

彩節雙臨渭水濱
岸花汀草共氤氲
朝天石老空斜日
乙密臺荒有暮雲
千古江山猶壯麗
百年興廢劇紛紛
毫端卷取風烟去
一代詞華合讓君

別正使大人

代遠接
使作

朝端俊采暎時賢
粉署多年雨露偏
玉佩曉趨仙掌月
繡袍春惹御爐烟
却敬手丹詔辭天
陞還使清名滿海壖
颿馭遽歸那可駐
空瞻黃鵠白雲邊

別副使大人二首

代遠接使作

驚世才華邁等倫，儼臨東土布恩綸。
丰姿拔俗風標迥，勝處題詩句法新。
仙旆乍淹滄嶼月，客程遙夢帝城春。
袞衣忽上雲霄去，空使吾人淚滿巾。

雲自蒼茫水自流，驪駒聲咽暮江頭。
尋思舊會渾如夢，欲問前期轉作愁。
草草離筵當落日，依依歸路隔重洲。
明朝兩地遙相憶，何處青山獨倚樓。

次李實之見示韻

世間歧路越難行壯志居然愧未成自歎鬢毛
侵暮境更堪庭樹作秋聲悲歡閱盡俱陳跡貴
賤看來認強名家在海鄉歸未得夢隨新鴈過
江城

戲題

自憐書劍兩無成四十蹉跎未策名志在經綸
身短褐學窮今古號狂生詩能遣悶時拈筆酒
為流腦屢舉統不似青雲夸奪予九衢塵土滿
簪纓

次韻柳康翎

歸盤亭

歸盤亭

柳自云取李愿
之意

壺裏乾坤特地寬。亂山回合勢盤盤。門臨草徑長年閉。人在茅簷盡日閑。小塢竹深藏藥竈。短籬花缺露晴巒。平生愛讀韓公序。今見風流伯仲間。

今見或作千載

次韻府伯辱和九日詩

未識人間卯酉忙。閑中日月本來長。肯求僮僕生新敬。自信行藏有老蒼。病葉不禁連夜雨。寒花能作去年香。晴窓把酒遙相憶。惆悵前林易夕陽。

次韻答李佐郎

少年塵土謾奔忙老覺閑居一味長嶺外山川
元歷歷夢中松月更蒼蒼無論海色連天碧且
愛棠花撲地香何日共成歸隱計竹林深處戴
華陽

送丁內翰希還朝

謫仙才調鶴天寒早上丹霄整羽翰暫守竹書
留下邑却隨春色向長安清樽謔浪風流極虛
館逢迎禮數寬此日可堪雲雨散直愁無計駐
征鞍

次韻上使承賢王宴集于南別宮

小國千年遇聖朝
恩波如海舞臣僚
丹誠北拱星辰近
金札東頒雨露饒
使節聯翩看紫氣
龍顏咫尺望青霄
須知此日慇懃會
正值皇家玉燭調

次副使韻

曉聞公堂置法筵
兩行歌吹極喧然
明庭禮設千年品
寶瑟調成五十絃
紫氣當空瞻使節
青雲滿地立羣賢
清歡不與良宵盡
七字新詩剪燭聯

次韻上使漢江紀遊二首

藍輿曉出城南陌澤國江山錦繡張聞健且須
拚勝集逢場休說是他鄉沙邊鷓鴣驚旗影水
底魚龍避日光賤子承歡真不分綺筵扶醉鬢
滄浪

南湖晴日正堪遊玉節東臨此水頭境勝未知
清讌洽辰良合用好詩酬壺中自是藏三島海
外何須問九州星月滿天波面滑不妨移棹更
遲留

次韻謝上使書示遊涇江之作

涇江春水綠潺湲玉節東來駐彩舫薄暮林巒

生翠靄中流簫鼓殷青天尊臨極浦邀新月
筆駕驚濤瀉瀑川多謝明珠分及我探來應值老
龍眠

次韻玉溜泉

千年古壑鎖青嵐小竇寒泉滑更甘要送餘波
歸巨海故分清響落深潭流傳剩入詩仙詠勝
絕偏教過客談豈比南州一勺水軟來唯解使
人貪

次韻上使觀漢城迎詔歡舞塞途之作
敝服微誠仰紫霄霑恩未覺九重遙北辰正賀

虹流慶南紀寧憂海寇剽好雨浥花開笑臉和
風吹柳舞纖腰佳辰更值絲綸降恰在彤闈聽
鳳韶

詔使別章二首

詞華驚世世爭降古鼎能將筆力扛江左風流
元第一朝中屬望更無雙手擎鳳韶辭天闕身
著猩袍出海邦祇恨雲輶留不住驪駒鳴咽不
成腔

鸞書降自九重天白日人間見羽仙飈馭可容
留下土風期已覺賴前緣江潭芳草封離恨驛

路殘花照別筵他夜只應勞遠夢
帝鄉宮闕
五雲邊

次白雲莊韻二首為李參奉克蕃題

聞君新結數間廬林壑端宜隱者居
樂志但持
長統論求官寧作子公書閑來把釣
桐江上靜
裏燒香竹雨餘身世只應供一笑
小軒高枕北
窓虛

深知百鬼瞰高明小圃聊堪學邵平
照眼花枝
舒嫩蕊關心藥蔓長新莖西窓暮挹
千峰翠南
浦秋看一鴈橫塵土向來徒自苦
陸沉浮世貴

次汝仁贈別韻

夢中猿鶴夜啾啾想見雲霞海上洲
好向名區謀小築獨將衰鬢別吾州
窮途更送人南去歸思空隨水北流
世事糾紛身欲老不知何地續清遊

次風詠亭壁上韻

即席走筆

勝日清尊醉即休對君無地可言愁
依然路入梅花洞忽復詩成芳草洲
塵土自憐長局促登臨何惜少遲留
世間好會元難剋更耐吾生髮已秋

石川先生集卷之三
三十二
詔使別章

丹山彩翮養初齊飛下青丘捧紫泥文字未容
班氏好風流渾覺謝家低襟袍耀日人爭覩鶴
野連空路欲迷惆悵仙輶不可駐 帝京遙在
五雲西

題房秀才

元震

沙溪精舍用昔賢韻

山自縱橫水自東聞君行義在其中幾人好事
來看竹浮世關心獨撫松佳月轉簷寒豔豔幽
花當戶晚瓏瓏傳家已覺青氈重百世風流定
不窮

九日用善述前日見贈韻却寄

論兵獻賦為誰雄，獨向殊方逐轉蓬。
塵世可能容古道，騷壇聊復策新功。
逢辰強把黃花酒，吹帽偏驚白髮翁。
忽憶君家好兄弟，幾時書札附歸鴻。

寄題通津韓老幽居

一區山水隔風塵，魚鳥忘機度幾春。
佩弓刀勤武略，晚將襟抱托詩人。
閑開淨室恒留客，力致清尊不計貧。
會待明年花月夜，扁舟吾欲問通津。

舟次豆毛浦登申景昇亭子次壁上韻

輕舟欲向廣陵津，忽此相看兩幅巾。
危檻夜虛宜對月，小園春靜不生塵。
江扉面水迎歸棹，山雨隨風捲釣綸。
清賞未闌催解纜，明朝回首盡中人。

新春謾興

昨夜江頭風揭屋，朝來急雨洗輕塵。
人今憔悴仍耽酒，鳥已間關欲報春。
佳興不隨時節改，窮愁還覺髮毛新。
妻兒莫歎簞瓢罄，宣聖猶曾困在陳。

楊經理鎬畫像奉教

將星當日照天東自是關西第一雄
整頓乾坤談笑裏折衝樽俎指揮中
事如雲水千秋白威鎮山河萬里空
遺像在堂凝不動至今毛髮凜生風

送朴說之

東說

出牧羅州

好去羅州老使君向來才望獨超羣
不辭太史周南滯要作東坡嶺外文
燕寢清香森畫戟敬亭飛鳥沒孤雲
新詩定得江山助千里郵筒倘見分

子敏詩卷中有在嶺北相憶之作曰次其
韻

一代爭推大雅文陽阿曾許里人聞平生故舊
誰憐我晚歲情親獨有君蝶夢每隨三夜月鴈
書長阻萬山雲如今莫話青溪髮貧病年來白
九分

次韻車五山詩

曾是仙都玉笋班謫來人世幾時還才高冀北
空羣馬詩似淮南作小山逸興迥迢榮辱外清
談不著是非間滄江一別無消息兼桂何緣得

再攀

作江二風塵

賊退後入京

故園荊棘沒黃埃歸客空携一影來
千里山河流戰血百年城闕有荒臺
南天盡角何時盡西塞鳴鑾幾日回
獨向松郊尋舊路斷雲喬木有餘哀

城南

池臺蕪沒寒灰浮世淒涼只可哀
旅泊幾回驚節換鄉關今始見花開
青郊雨氣風馳去華嶽烟光鳥帶來
景物完然時事異不堪重把故

人杯

子敏詩集中有見及語因次其韻

壯語驚人奇又奇相如詞賦子卿詩誰憐紫氣
久埋沒更耐白頭生別離作客共來千里地論
交休說十年時夜闌秉燭真如夢滿卷清篇慰
所思

壯語驚人一作
夢逸清新

望雲亭為李子敏作

幾片閑雲故故飛此時遊子淚沾衣西江風浪
書長阻南國星霜夢亦稀鶴髮可憐侵暮景草
心何以報春輝誰知天畔登臨眼却羨林鴉接

翅歸

海村雜興

自從蠻醜犯天威
戰士如今尚鐵衣
三闕殿臺秋草沒
六州民物曉星稀
張騫入海無消息
秦檜當朝有是非
蟻豨小臣何所補
百年林下掩柴扉

客懷

荒村寥落倚孤城
日夕唯聞畫角聲
風獵短籬寒犬吠
月臨虛閣候虫鳴
愁中得句還無賴
亂後逢人更有情
魂夢不知身卧病
夜來騎馬指

歸程

贈沈生

吾曹自是飲中仙，爾似宗之義少年。
玉雪肌膚元可念，錦囊詩句也堪傳。
山園雨罷花如霰，江郡春深柳滿烟。
此地相迎更相送，不禁離恨共依然。

寄車五山

客愁如醉幾時醒，歲暮江城獨掩扃。
供世自悲雙鬢白，讀書還愛一燈青。
殊方佳節古今恨，歸夢故園長短亭。
意氣百年雄劍在，夜寒光彩動

秋星

五言排律

秋日旅懷次汝仁韻

孤城千古地遠客百年心
樹老先秋色山寒易夕陰
天時正搖落世路幾浮沉
病久霜侵髮簷虛月照襟
夢回征鴈曉愁劇亂蛩音
多少殘生事逢君更一吟

送李子敏

聖世兵戈起偷生作遠遊
蒼茫步兵哭迢遞仲宣樓
南極孤燈夢西江萬里舟
吾人元草草此

別信悠悠劍術終無賴詩名轉覺浮山川嗟異
路風雨苦同憂念念經過少看看歲月適明年
寒食節萬一會神州

和許天使玉溜泉韻

孤岫翠娟娟中藏小有天石危斜迳盡岩坼細
泉懸滴滴聲偏好瓏瓏色更鮮看時疑玉液聽
處愛風絃漏洩纔由竇奔流忽作川誰知終混
混還自始涓涓一派雖歸海真源祇在巔秋宵
宜照月春日或生烟一入詩仙詠芳名萬古傳
五言絕句

靜中吟

意實羣邪退心虛一理明
靜時觀萬物春氣自然生

雨夜書懷

微雨夜廡纖曉風吹作雪
為問江南人梅花幾枝發

次牛溪先生韻題朴生

守慶幽居二絕
在二登

地僻無人跡林深有鳥言
方知別世界不獨在桃源

峽裏村墟古園林帶碧流
茅茨如可托願卜水

西頭

題畫梅竹月

老竹何龍鍾新梅更奇絕已令魂骨醒况著清
宵月

戲次成進士

輅見示韻

湖海成夫子平生百尺臺君十居揚花浦上每
自誇屋後小臺以為
絕勝之地故云可憐經世志頭白但含杯

李僉知宅即席示任御史子正

勝地宜佳客清樽近繡衣窓前數枝菊不解避
霜威

十日携琴訪沈載寧不遇就籬邊菊下呼
義鬢命酌獨飲數甌彈平調三兩曲遂
留詩而遂

不歎主人出但憐秋菊香瑤琴三兩曲獨作後

重陽

獨一作聊

次時叔韻

相知即故人何必宿心親莫怪移家計宣尼重

里仁

家一作居

用前韻呈石田

歡伯是良友睡鄉為廣居如何石田老詩句每

石湖別集卷之一
三十一
煩子

偶作

我愛秦淮海

或作揚秦子

當年字太虛一生燈火讀

強半是兵書

村居雜題三首

渴人多夢井飢人多夢庖春來遠遊夢夜夜到

江郊

昨夜月沉霧今朝山出雲無端波上雨細細作

靴紋

昨日半日睡今日半日睡睡鄉非故鄉聊以道

吾意

讀兵書有感

局促英雄老蒼茫日月奔平生三尺劍何以答

君恩

一作恐負
聖明君

贈歌人尹汝極

莫唱南山絮何人為一聽即今天下耳空識有

秦青

七言絕句

人日獨酌

誰復題詩寄草堂獨開尊酒慰淒涼春來故國

無消息柳色梅花空斷腸

楊花江趙持世

韓緯

幽居次李子敏安韻留

別

憑君莫唱鷓鴣辭楚客如今怨別離
明日孤舟更千里相思更耐菊花時

河源留別申質夫

持

無限離愁春酒濃雪消南浦草茸茸
孤舟明日已陵道回首雲山千萬重

即事

松枝作架蔽秋陽分外新添一味涼
清晝掩門

無客到不妨高枕夢羲皇

次鏡環子謾興四首韻

操存妙處問何如心地清涼水鏡虛盡日不生
塵土想一簾疎雨對薰爐

右存心

素志平生在六經只今雙鬢欲凋零
腦中自有明如鏡險阻艱難實飽更

右積行

百氏紛紛各有名曲蹊隨處引人情
申韓老佛徒為爾孔孟遺書要舌耕

右擇術

求田問舍已多年卜宅真同孟母遷
城市囂塵非我所白頭端合卧林泉

右卜居

題諸君藥山醉歸圖

寺邊江岸水連空人醉殘陽香靄中
繪事至今遺恨在尊前不著石洲翁

偶與數客至二梧亭主人設筵夜酌琴歌

之樂頗洽戲賦一絕

主人姓李名曇以
納粟位至三品

此地琴樽還此時人間好事本無期
風流到底不可朽更遣石洲來賦詩

雪中行

山色蒼茫半有無北風吹雪滿長途
只今安得元暉手盡我披簑覓句圖

次使相口占十絕韻

旅館寒燈逼歲除
慙慙爲几夢郊居
如今未覺千金重
願得家人一紙書

風沙漠漠塞天昏
客子貂裘故不溫
獨在異鄉歸未得
慈親應倚日斜門

病後筋骸賴杖持
髭毛蕭颯葛巾欹
破除俗事須多酒
排遣羈愁有小詩

谷口當年學子真
偶然爲客落風塵
何緣得遂幽栖志
看水看山老此身

鄉愁無日不回腸
歲月蒼茫關塞長
孤館獨眠

寒夜永一燈明滅照空床

落地貴為男子身眼看四海作比隣寧知湖海
三年客又作關河萬里人

窮冬作客見春回千里家書尚未來惆悵旅愁
無節意浮生半向此中催

浪跡溪山記往在一枝筇杖白雲邊祇今鞍馬
成何事空歎幽期負老禪

不須彈鋏歎無魚腸肚從來習野蔬何況浮生
有定分貧儒食籍是寒藟

羸驂齧豆浪翻江深屋無人對蠟缸強飲一杯

成小睡五更風雪打寒牕

雪後呈東岳

中宵忽覺紙窓明清曉開門雪正平安得與君
乘興去統軍亭上看新晴

次韻使相正月三日雪二絕

狐裘中夜十分寒金鴨爐存火易殘為有兒童
報春雪不辭清曉捲簾看

柴門深閉斷來人白雪鋪庭厚作茵忽覺今朝
寒氣薄使華詩律發陽春

次使相韻贈連上人二絕

前身應在藥珠宮何事謫來塵土中自笑半生
徒自苦機關用盡不如公

二年為客別鄉關關路迢迢隔萬山忽有山僧
來訪我招提昨夜夢中還

上人乃淨土寺僧寺
即余少年肄業之地

次思庵韻贈楊理一

我逐虛名落世間仙壇有約幾時還逢君聽唱

關東曲領略金剛萬疊山

楊也善唱
關東別曲

席上次使相笑博士體

千山萬山欲落月一陣兩陣何處風錦筵紅燭
五更盡相對六人皆醉翁

題慈山梨花堂

依山傍水十餘家，冒雨人來日已斜。
公館寂寥官吏少，滿庭零落海棠花。

過松都口占

城池寂寞古臺荒，樹木無言送夕陽。
牛背小童橫短笛，不知人世有興亡。

正月三日見雪有作

去年今日龍灣館，把酒曾題春雪詩。
好事只今歸夢寐，天時依舊髩如絲。

次家兄草樓子韻

宦海風波蛟吐涎隨緣聊作飲中仙樽前獨酌
成沉醉不待花枝擊鼓傳

附阜樓韻

初聞酒熟口流涎忽把深杯意欲仙身事即
今宜縱飲姓名後世不須傳

嬋娟洞

古洞寥寥阜自春客來何事暗傷神可憐此地
埋珠翠盡是當時歌舞人

春日郊居

溪上春蒲欲吐芽籬邊紅杏已開花空簾日靜

無餘事坐見黃蜂趁早衙

偶到湖上人家索酒不得戲成一絕

惜無詩句答年華為向湖邊問酒家却殺今朝
好風景對花空啜一甌茶

春日有懷三友姜子舒

不見臨風玉樹姿百年存沒兩堪悲春來處處
山花發尚記平生對酌時

句故云

君乃僕酒伴古詩有兩人對酌山花開之

簡吳翰林

翊

人傳柱史是仙郎金櫃紬書竹帛光更想官醪

風味好不妨分與病夫嘗

醪或作蒜

簡府伯沈令公學而

松

雲子本無傾蓋分麴生新有絕交書如今學得
村翁法便向青山斫小畬

觀打圍呈府伯

澤國天寒好打圍原頭草短馬如飛割鮮野食
渾閑事只為防邊試武威

蕭蕭風雪撲旌竿殺氣吹空劍戟寒敢道書生
無膽勇知君終擬斬樓蘭

聞月沙令公回自

帝京聊寄問

仙旆歸來自 帝州來時應上謝公樓何當更
剪西牕燭共把深杯話舊遊

寄題宋林川

壽兄幽居

浥露和烟淡復濃百態紅紫共春風東君不管
繁華事都付先生杖履中

右春回壇

草堂東畔古壇西香雪溫溫咫尺迷想得夜寒
人不寐子規聲歇月輪低

右梨花亭

見說新堂結構牢雲林花石與周遭知公不作
平泉記欲學甄君孝義高

右思考堂

秋夜

淒淒風露覺秋深
一夜寒聲在竹林
除却平生管城子
更無人會此時心

李判官

慎言

遣子求詩走筆以寄

守靜君方湖上宅
卜居吾亦海中山
休辭雪夜來相訪
兩地帆風一日間

春題

風塵不到野人家
獨掩衡門度歲華
莫笑此翁貧至骨
春來贏得滿山花

次五峰韻題李清風

基幽居

北牕風致繼陶君
虛室清香盡日薰
隙地可能

容小築滿江烟月欲平分

去年十月環草堂種松栗雜木僅五十株
春來早甚枯死殆盡獨巖隙小松蒼翠
依舊感而有作

種木莫須誇得地春來枝葉搖凋零誰知一尺
巖間土能使孤松自在青

莫一作下

次韻答友人

相逢不用問幽居生理唯餘一架書為謝故人
情不淺雪舟能復訪吾廬

和唐人黃陵廟詩與持世子漸善述獻甫

同賦

江草萋萋春復春
至今瑤瑟怨猶新
新詞爭唱竹枝曲
明月孤舟何處人

尹廣川在松都
遣人相邀余初自京江得
病還家不能赴約次來韻以謝

書報山醪欲醺醺
素封青眼一時開
佳期不是故相負
抱病新從京口來

杏樹下治小壇
連雨數日已生莎
草茸茸

可籍為賦一絕

小壇新削平如掌
更愛青莎雨後新
却想明年

落花節亂紅無數點芳茵

金秀才

守鉉

載酒來訪留一夜而去賦一絕

為別

寒天來訪老書生
感子慇懃不世情
更約明年桃李月
一樽重會鳳凰城

留別

千里來敲白竹扉
可堪離恨更依依
分明十六懷川景
領取溪山滿袖歸

諸公追餞於碧落亭書此為別

危亭擲酒對秋山
珍重情人送我還
他日莫忘

石洲別集卷之二
分手地碧溪東畔亂松間

無題

江潭芳草綠萋萋別恨撩人路欲迷想得洞房
春寂寞杏花零落子規啼

夢中作

十二月
初二夜
宿河陰村舍

誤逐浮名別故山獨將書劍滯秦關籬邊黃菊
為誰好隴上白雲空自閑

謹和先祖陽村次古人畫梅韻與李學士

詹同賦之作

曾識江南第一花怪來顏色黑如鴉試看踈影

橫斜處猶似孤山處士家陽村詩曰贈畫江村未有花尋梅終日到

昏鴉忽逢玉質蒙烟霧不覺來從免穎家

九日

江南江北葉初飛九日樽前淚滿衣故里荒涼秋草裏不知經亂幾人歸

江漢滔滔日夜流歸心長在水西頭郊扉寂寞無人到籬外黃花又一秋

憶昔登高強盡歡終南秋色照杯盤寡妻群盜今如此忍把茱萸仔細看

途中立春

漢陽迢遞隔雲山
遠客空携一影還
却恨春風不相待
曉來先我入鄉關

有感

萬事悠悠醉復醒
百年身世一浮萍
逢人欲訴心中恨
可奈時時睡不聽

河西書院

院門深閉鎖松筠
不見當時寂寞人
獨有萋萋庭畔草
春來又作一番新

憇路傍廢池

誰家池上草
離離客子沉吟有
所思獨背斜陽

愁不語東風吹淚滿花枝

題石業錄後

儀表江南第一人
鷄衣簞食亦安身
傍花隨柳渾閑事
誰識先生自在春

西湖舊感

酒後詩成一百篇
筆端移得好風烟
詩篇散落

無尋處只有風烟似昔年

庚寅夏與子敏同遊
兩宜堂有唱酬集一

卷為兵
火所燒

清江一半浸寒山
幾點漁燈杳靄間
人與白鷗相對睡
夜深微月照汪灣

路上口號

歇馬溪橋日未西
春風吹草綠萋萋
靚粧臨水小
梳發好語隔林幽
鳥啼

路上望三角山

積翠浮空氣象豪
衆山環列細秋毫
向來西北天傾處
賴是三峯拄得牢

題厚陵僧舍中

朝家具禮設齋
郎洒掃玄宮有古常
誰使西方髡首輩
一箇茅屋祭先王

醉吟

少年學劍不成去，屈跡淮陰屠市中。愁來飲酒一百盞，醉吐長虹撐碧空。

題壁

藤床木枕可安身，虛室清無一點塵。有竹千竿梅十樹，百年生計未全貧。

留別李景醇

名希孟

相逢一笑已忘言，此日分離却斷魂。路口他年如訪我，水邊林下掩柴門。

平壤寓居有僧來訪

客子勞勞塵滿衣，山人何幸肯敲扉。晴軒相對

忽惆悵花落故園猶未歸

戲贈而性

平生結客少年場
流落江湖鬢欲蒼
舊懶讀書今喜讀
勿云磨礪不成璋

贈高陽品官

書劍從來兩不成
非文非武一狂生
他年洛下如相問
酒肆兒童盡識名

憶舊

關西佳麗昔年遊
把酒題詩幾處樓
窮巷寂寥身卧病
夢魂長繞鴨江頭

失題

平蕪極目迥連天
渺渺歸程落照邊
安得方回斷腸句
為君描取好風烟

江南路中

三月江南雨滿山
鳥啼花落水潺潺
潘郎不解傷春色
却待清秋鬢始斑

雜體

聯句

何處難忘酒
天涯歲暮時
汝章日沉關
雪暗風急
戍笳悲
子旼塞語聞
還慣鄉書見
較遲
汝章此時無

一盞何以慰羈離子敏

夜坐聯句

畫閣孤城閉石洲殘燈遠客愁天邊春欲半五江山

岸草新抽故國書難得南窓佳辰病不瘳賴君拚

一醉東岳忘却在石洲他州

夜飲聯句

春酒鴨頭綠石洲桃花人面紅歡情燈滅後上詩

興月明中萬事一杯足石洲丈夫孤劍雄雄應傾

意氣五山相視吐長虹石洲

肅川池亭聯句

四月甫寧館微風落野棠五青山繞雕檻綠水

滿回塘洲笛奏梅花引杯傾竹葉香東會須終

永夕持燭賞紅粧

又

此地不常得人生能幾何不須促歸騎且復聽

離歌東霜鬢花前亞鸞聲柳外多五峯今朝分散

後明日更誰過石

挽重峯先生

幾折朱生檻長為楚水醒從知大君子不處小
朝廷直氣軒天地孤忠炳日星崔嵬錦山色萬

古只麼青

石洲別集卷之一

五十三

石洲別集卷之一

石洲別集卷之二

答宋弘甫書

韞白辱書許我大過而責我誠當不敢嘿嘿略
抒情素僕受性踈誕與俗寡諧每遇朱門甲第
則必唾而過之而見陋巷蓬室則必徘徊眷顧
以想見曲肱飲水而不改其樂者每遇紆青拖
紫舉世以為賢者則鄙之如奴虜而見任俠屠
狗為鄉里所賤者則必欣然願從之遊曰庶幾
得見悲歌慷慨者乎此僕之所以見恠於流俗
而僕亦不能自知其何心也以此不欲與世俯

仰思將退伏山野收心養性以求古人所謂道者於是取周程張邵朱呂之書讀而思之雖不敢自以為有得而其文義之間或有犁然當於心者遂決意向學于今六七年矣然而無嚴師以臨之無益友以輔之悠悠碌碌與時泛浮而詩酒之習又從而纏繞之雖曰有志於道而其言其行只是向來底人耳宜足下之有是責也噫足下之責我誠是矣足下之愛我誠多矣僕嘗以為責善輔仁古之道也今之世不復有行古人之道者於今忽有之而於吾身親見之敢

不再拜賀之下又以自賀也雖然勉人易而勉
己難足下能以勉僕者勉已則又幸矣不宣韞
白

重峯先生封事後跋

韞讀先生封事至頑雲不解天日常陰未常不
三復流涕也嗚呼先生之所推以為師友者皆
今世之所大仇也今世之所貴重者即先生之
所指以為儉邪反覆無忌憚者也人之所向一
何刺謬之甚耶方秀吉納款請使之日先生已
逆覩其兇悖之謀必欲上奏天子旁檄諸侯

以致天誅且陳守禦之策纖悉備具當世之議
先生者不過以為病風狂易當國用事之臣視
先生如讐言及乎壬辰之亂國勢橫潰生霸塗炭
鑾輿播越宗社丘墟以至動天下之兵然後
先生之平日所嘗陳列者一一皆驗至如延安
海隅一孤邑耳而先生特與府使申恪書使之
浚濠完城為它日保障之地及倭寇之憑陵也
招討使李廷馥賴以得全蓋先生洞察時勢如
燭照數計而龜卜決非偶然而發者嗚呼先生
能見未形之亂於千里之外數年之後而獨不

辨邪正於目前乎然則今世之所仇者果為小人耶其所重者果為君子耶抑古人所謂陰陽易位方正倒植者耶誠使為人上者得先生之書惕然覺悟以重其所仇而仇其所重則頑雲解而天日明矣悲夫悲夫此未易為俗人言也聊書所感以貽先生之子

祭牛溪先生文

為人作

維年月日門人某等謹以清酌庶羞之奠敬祭于牛溪先生之壟嗚呼我國僻介東海民俗鄙夷自箕子受封而文教始興下至王氏之叔千

有餘年入寸輦出蔚乎可觀然唯文章博雅是
務其理明德邵慨然以斯道自任者圃隱之外
無聞焉逮至聖朝文治之盛上掩前古山嶽
降精英豪間起一蠹寒暄倡之於前而靜庵退
溪晦齋諸賢和之於後推明性理之原而詘詞
華功利之弊使濂洛關閩之學煥然於世於戲
盛哉惟先生胚胎前光早聞詩禮目濡耳染習
與性成居敬集義內外完好其言其行粹然一
出於正或靜或動昭然皆合乎道識見之高造
詣之深豈窳啓小子所敢測哉嗚呼先生之道

遠而天地之所以高下山川之所以流峙日月
之所以明鬼神之所以幽草木鳥獸之所以榮
悴飛走以至風雨雷霆霜露之所以糾錯紛紜
者近而君臣父子夫婦長幼之倫灑掃應對日
用事物之常以至古今天下國家所以治亂興
亡者既已融會透澈莫然四達而又貫之以一
守之以約存諸心發乎四肢以措諸事而及乎
人其所卓爾自立雖謂之集諸賢之所長可也
其自持也嚴毅清苦凜乎可畏其接物也怡悅
懇惻溫乎可愛誠敬以奉祭祀恩義以御妻孥

闇然之真日至光顯雖窮闇僻巷小兒婦人莫
不聞風而感而世或有不悅者何如人哉其處
也則麻衣草座澹泊優遊圖書自娛若將終身
其出也則嘉謨謹論上格宸心一言不入奉身
以退出非為己處不忘世一進一退義理與俱
而其眷眷尊主庇民之念不以進退有間河不
出圖鳳真終孤將天不欲使斯民有知耶夫何
不勅遺一老也嗚呼先生沒矣斯文喪矣後學
小生無所歸矣彼搖唇弄舌造謗飛謀以陷害
儒宗者無所忌憚矣某等俱以不才獲忝門下

二月初集卷之二

石沙別集卷三
水滔滔俛仰之間奄及一暮追想德音曷勝悲
慕茲設薄具敢陳卑衷不亡者存庶霽歆格嗚
呼哀哉尚饗

刻握機索籥序

戰不可以無法法不可以無書書者所以載法
也始安徐際卿奇偉士也雖在窮愁中而以天
下事自任嘗憤倭奴陸梁王師暴露於是悉取
古今兵家者說間以己意作為一書目曰握機
索籥凡戰守奇正水陸險易行陣器械之制象
緯風角之術瞭然畢舉讀之直使人如驅馳而

建鼓旗出沒於矢石之間吁亦偉哉苟能用是
書者雖鞭撻四夷可也况小醜哉去年冬左協
副揔李公芳春承聖天子威命仗兵而東以是
書自隨宣所謂能用之者耶昭義將林君懽見
而悅之乃鳩工鋟梓三閱月而訖其功時余以
客遊于林君一日君出是書且屬以序余俯而
讀仰而歎曰夫天下雖安忘戰必危矧乎窮寇
負海國恥未雪為臣為子者其可以復更忘戰
哉夫戰不可忘則君之眷眷於是書者豈徒然
哉且夫際卿不以所自得者私於其心而公之

石澗先生集卷三
以書副揔不以所得於際卿者私於其身而公
之於人君又不以所得於副揔者私於一時而
欲公之於後世噫是三者之用心不既仁且博
乎哉余竊恨生也僻不得與際卿揚眉吐氣說
劍譚兵而竊以載名是書為榮遂不辭而為之
序云

祭九世祖高麗侍中文正公文

嗚呼昔在三韓東土無君始林金櫝天降真人
猗蘭奕葉輝映千春鷄歸于鵠始姓為權門闡
燁赫胤胄蟬聯粵我文正山嶽之英和風甘雨

大器夙成年愈舞象雲路登名青錢選重文石
班清一歲九遷寵渥日深公清著望朝野歸心
手握天章播芳蘭畹龍躍學海鳳翥詞苑銀臺
有箋白華有詩玉珮瓊琚世推厥辭紫陽經說
始來吾東俗儒竅啓眇視曹魯公實表章日月
于穹位昇台鼎功煥燁鍾衮衣繡裳玉立霄漢
忠賢以賴奸宄以憚徇國五紀髮白心丹不見
一劾人以為難孝慈敦睦化始閨闈琴瑟在御
鳳凰于飛爰及子女聿膺多福朱輪在庭滿十
除一有德有功有位有年死生哀榮世孰與肩

餘慶未艾澤暨後裔班班可譜冠冕奕世日月
逝矣年代茫然空山丘隴列對風烟獸石傾危
牲繫蕪沒不禁樵牧有慚豺獺其等俱以不肖
忝在仍雲尚賴世德不識耕耘讀書著文重習
白紛懼墜先緒貽愧泉原明發不寐有懷清芬
茲設薄具敬獻菲忱不亡者存庶其來歆尚饗

宋生名行記

君名枕字時正湖南人丁酉歲倭賊屠湖南君
避地務安縣嘗夜行失道為賊所得將渡海君
見賊不滿十人而同舟被拘者衆於是

舟者謀乘間奪賊刃斫殺殆盡適有一賊投水
得脫告于他賊以故不能免臨死大呼曰我乃
光州宋某之子某也不幸而陷于賊今又不幸
而死汝諸船被擄者或早晚脫還傳語于我父
母可也越四年庚子姜太初沆歸自日本詳道
此事嗚呼君平居氣度閑雅體癯然纖弱如不
勝其衣直一介書生耳及蹈難乘機設謀奮刃
鏖賊卒能明白而死非烈丈夫能如是乎君死
時年三十一君早喪母事繼母極其誠孝遇弟
妹無毫髮過差鞿於君為妹婿嘗屢得重病動

經時月君視湯藥未嘗少怠不解帶者或累日
至平復乃已嗚呼韙於是焉知君之仁也於其
死焉又知君之勇也嗚呼若君者古所謂善人
者非耶而其生也窮其死也慘世之人徒曰天
不負善人吾不信也君既執君弟撫奉父母杜
行至珍原縣入破屋中歇一賊猝至恐父母見
害即迎出誘賊而去至半道料賊無他侶乃撲
殺之方欲還又為他賊所得係入日本賊將愛
而欲留之出美女三人使自擇不肯受日以逃
還為務今雖未及還其志可嘉也故附見焉庚

子臈月初五日記

宗楔序

維萬曆辛亥仲春之月攝祭先祖文忠公于
六代孫輯之私室子姓兄弟駿奔執事者若干
人既事而餽昭穆以列長少以序獻酬交錯怡
怡然也將退咸顧繼牽連合辭言曰我家自太
師以來世趾厥美崇勲偉烈輝映簡策以逮于
我文忠公則纂序前徽益大以光文章道學為
世儒宗而位不滿真委祉後裔至今二百餘年
冠冕不絕豈非積之者厚故其發之也速歟今

我同宗之人可不懷祖先之遺澤念骨肉之至
恩而思所以不墜者乎於是立春秋約會畧如
花對韋家故事而命韞為之序韞竊念吾之一
身非吾有也乃祖考之遺體也原吾體之所自
出則允為吾祖之子孫者皆吾一身也一身至
於所不知何人者遠故也遠而至於不相愛則
是不愛其身也不愛其身者是忘其祖考者也
夫忘其祖考者豈人之情也哉此吾契之所以
作也誠使後之為子孫者繼而修之敦睦之風
世世不替由吾家而及乎鄉國以達于天下則

豈但有補於世道吾先祖在天之靈亦且感悅
於冥冥之中矣如或不然而荒怠不脩以自毀
其成法則豈但非吾先祖之所望抑且不免為
鄉黨所戮笑可不懼哉嗚呼世降俗衰宗法大
壞無百年之家往往親未絕而不相識甚或至
於同氣之間自相讎敵者比比有之如此而欲
望風俗之厚教化之美不亦難乎今夫所以移
風易俗篤恩誼正倫理以挽回三代之化者未
必不自吾宗始權輿謹序

師友錄

起草而未及終篇

洪至誠字剛中號拂頂山人高雅儉率持身接
物殊與世不相類以故人多笑之於書無所不
讀訓後進不倦至夜半不寢學者困睡撲頭而
公始兀然整坐略無怠色凡古文盤錯肯綮素
名難解處公乃毫分縷析不留餘蘊丁酉之後
亂遇賊被害年七十有餘矣父裕孫字餘慶號
枉直子又號篠簕嘗與金時習南孝溫為方外
交云

趙氏子兄弟長曰緯韓初名紹韓字汝承後改
今名而牛溪成先生字之曰持世少時不羈為

文務奇峻既而通達世情故作詼諧語以自混
然其所言皆有理致屢舉不中家甚貧今為馬
官然非其所好弟曰續韓字善述亦偉士也其
文益奇乙巳廷試擬作漢王拜韓信為大將詔
書句句可誦遂擢第一

成輅字重任庚午進士嘗為蔭官不屑就平生
尊鄭松江為師早喪妻不再娶獨居三十餘年
家貧嗜酒不拘檢束而天品高朗人自不可及
林懽字子中羅州人早有文名登某年進士屢
舉不第為人慷慨有大志與人交信且有義官

至文化縣監生於辛酉死於戊申年四十八其
兄愐字子寬既登進士廢舉子業所居種百花
不與人交遊唯彈琴賦詩而已

荅寒泉手簡

寂寥中無以自慰舍弟來得足下書并詩多謝
多謝足下云與子敏天翁輩作詩酒琴歌之樂
令人益知離羣索居為可悲也又得前此一書
喻以赴舉之意甚非相悉之辭也僕之不可進
於世自卜已熟豈可以呶呶者之故變初心哉
若使操觚弄墨馳逐於白戰之場則我知呶呶

者之益甚也動輒得咎古人所不免僕又何恨
僕有古書數卷足以自娛詩雖拙足以自遣家
雖貧亦可以具濁醪每把酒哦詩悠然自得不
知老之將至彼嘷嘷者之於我何哉望足下無
復言自餘當俟面不既鞞白

石洲別集卷之二

松庵遺稿

朴直長挽辭

凡月來尋八月哭哭有日兮尋無期仁為上壽
壽何短才合大官官亦卑素幔影隨江月冷輓
歌響徹秋雲飛親朋皆痛我不痛為有寧馨天
下奇

送李奉禮北行

世事今如此臨歧倍愴神人心猶戀漢天意豈
尊秦函谷雞空曉王孫草又春男兒仗忠信著
處可安身

金自鍊挽辭

文園當日錯求凰
半百生涯夢一場
謾抱高才終短褐
應留餘慶付諸郎
雲橫遠岫人何去
霜落空階菊自香
惆悵東鄰老酒伴
白頭誰與醉連床

寒碧堂次辟上韻

水寒山碧盡難如
名冠南州五十餘
棟壓斷崖纔有地
路懸層閣欲憑虛
驛亭衰草斜陽外
馬峽行雲細雨初
勝槩引人成好會
幾回臨去幾躊躇

贈別趙長吉

浮沉有數難容力聚散無期不自謀客異後先
先是主情殊去住住多愁魂消古寺三更雨目
斷春江一葉舟遙想海門回首處此州應似舊
并州

次友人韻二首

萬里同遊亦一奇夕陽偏好倚樓時天高址極
君門遠城壓東溟地勢危亂後人生今日事尊
前花發去年枝殊方物色渾無賴揔入完山醉
客詩

嶺外山河著處奇客懷寥落望秋時聊將白髮
三千丈獨倚朱欄百尺危美味入唇香滿罍秋
花壓帽露盈枝自憐無補絲毫事惠政年來愧
杜詩

京中友人寄曆書而落九月丈故戲書

故人遙寄曆書來客裏還驚節序催誰遣庚寅
無九月菊花從此不須開

寄友人

每恨東萊遠君今亦海隅傳家遺訓在一路二
難俱惜別情何極聯芳興不孤還慚病居士羸

得鬼揶揄

清河縣齋秋夜書懷

忠孝誰全遭亂身至今心骨慟胡塵曾陪鶴駕
登南漢忝入鵷班廁下陳此地分符非捧檄當
時將母奈無人秋風玉露天涯夜泣向松楸血
滿巾

贈嚴愧

聞道平川好山回水一通向來高士傳多說釣
臺風落落將軍對翩翩御史驄深慚折腰地歸
計後陶翁

金梁挽辭

去年哭南重今年又哭君如何膠膝地每見死
生分後輩皆新面親朋半古原白頭隣笛裏雙
淚濕秋雲

夜坐無眠寄柳勉之

老去偏耽酒人生能幾時忽聞新釀熟如與此
心期暝色生蘿逕秋聲動竹枝明朝思共飲數

問夜何其

右答難忘酒
語仍邀飲

京洛雲山外思歸夢亦長無家還舊業有病滯
他鄉岸竹秋添籟池荷晚送涼清宵步明月倚

杖立蒼茫

久客仍多病涼風又早秋露凝思暮感重織憶鄉愁望眼天俱遠歸心水共流惟憑枕上夢行

盡路悠悠

右二篇答客中思鄉語

朝臣賀國富野老歎家貧欲上治安策恐遭丞相嗔躬耕難望腹儒術豈謀身秋事又逢旱只應長苦辛

右答大

書懷又用前韻寄勉之求和教

此理昭昭本不昏誰從方寸闢乾坤曾聞萬古三綱立正賴吾人五性存忙處操心真箇靜閑

中役志即為喧前修克復由精一我欲終身服
聖言

對酒邀柳勉之又用前韻

晚把行藏付醉昏劉伶席幕是乾坤賢愚閱盡
終俱泯貴賤看來孰久存勝友復從方外得清
談宜向酒邊喧閑中此意憑誰道剩欲含杯與
爾言

冬日即事呈西隣求和

病滯殊方久不歸忽逢冬日似春輝
烟綿細草萋萋長風引游蜂款款飛
自是天心憐凍餒非

關廟筭誤樞機開襟直欲登樓去肯作哀歌歎
短衣

閑中即事又用前韻呈西

至後陽生春又歸茅簷醉卧對朝暉新粧小女
花將綻初學嬌童鳥數飛詩到會心方有味酒
因遺世竟忘機閑中此樂真堪詵肯使緇塵復
染衣

春帖

欲止淵明酒其如達士嗤從今休痛飲救渴只
三危

次曾榮過項羽廟有感詩

提兵百萬對奇功，海內羣雄眼底空。
還使漢王興劍外，誰教義帝在江中。
路迷大澤陰雲黑，力盡東城戰血紅。
恨入烏江流不歇，至今嗚咽悲風。

戲答高城室

高城古郡別人寰，萬二千峯案牘間。
書到風味苦，使君宜世不宜山。

松庵遺稿

魚龍伏殺氣摧山鳥獸稀只為觀兵試八陣非
目殄物設重圍書生亦有橫行意醉拓金戈躍
馬歸

千羣快馬擁郊圻猛士彎弓競射飛少輩清狂
今更甚明公優禮古應稀飢腸已喜盤無味病
骨寧愁帶減圍遙憶郡城無限酒此時難得一
尊歸

贈南佐郎

雨有催花雨人無醉酒人世雖人事薄不解惜
青春

松庵遺稿

石洲別集跋
原集要刪其說具
在附錄中澤老書
可考而知也其詩所餘
六百餘首文亦若干
當時澤老亦非疵焉

也蓋曰以俟後日云甫今
湖南案使李公東稷
將取以入梓以為別集
先生曾孫慙以李公意
來以示余曰亦有可以
取捨者乎余曰然矣昔

之視今亦猶今之視後也

注

別集

文九首

詩二首五十四首

詩二首五十四首

口餘首以寄之

其少時戲作洎與緇

流酬唱幻語及澤先

所謂譏刺已甚者皆不

歸而其皇華時諸作

也蓋曰以俟後日云甫令
湖南案使李公東稷
將取以入梓以為別集
先生曾孫慙以李公意
來以示余曰亦有可以
取捨者乎余曰然矣昔

注

別集

文九首

詩二万五千首

計二萬五千首

也蓋曰以俟後日云甫今
湖南案使李公東稷
將取以入梓以為別集
先生曾孫慙以李公意
來以示余曰亦有可以
取捨者乎余曰然矣昔

之視今亦猶今之視後也
遂選其百餘首以寄之
其少時戲作泊典緇
流酬唱幻語及澤先
所謂譏刺已甚者皆不
錄而其皇華時諸作

之無所遺者以今世不復
見此事也嗚呼世之以詩
看先生者淺矣先生內
行淳篤晚又用功於洛
建諸書以為定本故其
見識之為與少年時若

二人爲其詩性亦迫真
於灋洛風雅此老成先
輩所以不以詩看先生
而愛其詩亦絕異於餘人
之詩也李公之為此役不
特世誼之重亦所感者深

矣時崇禎閱逢擲提
格孟夏日思津宋時烈
跋

右七律新擬美平首正
友權烈士直造稿也士直
先君子石洲先生以待大
鳴於世士直早孤未有過
庭之愛而其所清苦類
拔性之為家庭體格

乎其乏才自有鳳毛必碩
其生辱勞懶不自致力
於文章即率不暇於世
所作必少敬失惜哉不所
集之如入梓也士直實籍
力於洪武之官而常以鈔選


之不廣焉。斯今余志。揭
是道。板本之剝缺矣。亟為
重刊之。後而因。施以別集
者。非惟存。諸皆然。亦以遂
亡友之志也。且祀士直。遂
稱於其孫。慙。僅。得。數十。

蒲泰以余平昔所記者
梓附其末蓋傷其生死
不遇而應哉囊魚之鱗不
至於湮沒也崑山片玉雖小
益奇奚必多乎哉士直
名伉自稱松庵余少相

遇於東岳門下相得如
兄弟為人雅致過書其
詩云天齋其年極皇
縣邑而止永為儕流之
嗟惜云爾

就集甲寅六月下浣

友人金羅道觀察侯
李東稷職





卷之三

目錄

一

石

子